

1987-VII-24

Donostian, Gipuzkoako Foru Aldundiaren jauregian, 1987ko uztailaren 24ean egin du Euskaltzaindiak hileroko bere batzarrea. Goizeko 10 t'erdietan bildu dira: L. Villasante burua, J. Haritschelhar buruordea, P. Altuna, P. Charriton, J. Hiriart-Urruty, A. Irigoyen, F. Krutwig, E. Larre, F. Ondarra, P. Salaburu, J. San Martin, J. M. Satrustegi eta P. Zabaleta, euskaltzainak. J. L. Lizundia idazkariordea eta J. J. Zearreta Ekonomi eragilea, urgazleak, J. M. Satrustegi idazkari dela.

J. L. Davant, X. Diharce, E. Knörr eta P. Larzabal jaunek ezin etorria adierazi dute.

Ohi den otoitzarekin hasi da batzarrea.

Ekaineko bi batzar-agiriak onartu dira.

Eskuarteko gaiak

Hizkuntz Politikarako Idazkaritzatik gutun bat hartu da, orain berritzekoa den Eusko Jaurlaritzako "Euskararen Aholku Batzorderako" ordezkaria izendatzeko eskariarekin. Karguan J. Haritschelhar jaunak jarrai dezala, erabaki da. Horrela jakineraziko zaie arduradunei.

Licenciado Poza-ren mendeurrena Urduñako Onomastika Jardunaldiekin batera, irailean egingo dela aditzera eman du J. L. Lizundiak. Eugenio Coseriu eta Carlos Gonzalez Echegaray jaunek euren txostenak prestatuko dituztela hitzema-na dute. Hirugarren hitzaldi baten aipamena ere egin da.

HABEk, *Euskalduntzen C mailarako langaiak* izeneko bere liburuan sartzeko, Euskaltzaindiak argitaratutako zenbait lanen baimena eskatu du. Eragozpenik ez dagoela erantzungo zaie.

Nafarroako Gobernuarekin edukitako azken harremanen berri eman du J. M. Satrustegik. Harrera onaz bestalde, J. M. Jimeno Jurioren Iruñerriko Toponimia lanen bigarren alea plazaratzeko diru laguntza lortu da, eta Nafarroako Onomastika bilketaren jarraipenerako laguntzak ere eskaini dituzte. Ondoko egu-netan prestatuko den hitzarmena laster izenpetzeko asmotan gelditu dira.

J. San Martin Eusko Jaurlaritzako Kultur Kontseilari berriarekin mintzatu da. Miramar jauregiko egoitzari dagokionez, lehen eskarian aipaturiko beharrez bestalde, *Orotariko Euskal Hiztegiaren* lantaldea ere bertan sartzeko gogoia agertu zion. Talde honek EJIEkoekin dituen zailtasunak arindu beharra aipatu zion gero, Hiztegiaren argialetxeekin sortutako tirabiraren berri emanaz denbora berean.

Zuzendaritzak kargudun berriak agurtu ditu. Imanol Murua Diputatu nagusia eta Jose Luis Telleria Kulturako diputatuarekin mintzatu dira, euskaltzainburua, buruordea, idazkaria eta diruzaina.

L. Villasante eta J. San Martin, M. Lekuona euskaltzaina ikusten izan direla, aditzera eman da.

Urgazleen izendapena

Bi urtetik behin egin daitezkeen izendapen hauek duela bi urte ez ziren egin eta, oraikoa, batez ere batzordeetan lanean ari direnen artean egin nahi izan ditu Euskaltzaindiak. Arautegiak dioenez, bi euskaltzainek izenpetuz egin dira aurkezpenak.

Bertan zeuden hamahiru euskaltzainez landara, E. Knörrek P. Salabururi eman dio bere ahala, eta P. Larzabalek P. Charrittoni. Beraz, hamabost dira euskaltzain hautesleak. Aurkezturiko hautagaiak, hemezortzi.

Banan-banan eta txartelen bidez egin da bozketa. Gehiengo osoa lortu dutenak honako hauek izan dira: Xipri Arbelbide Mendiburu, Andres Iñigo Ariztegi, Jose M. Jimeno Jurio, Jose M. Larrarte Garmendia, Abel Muniategi Elorza eta Andoni Sagarna Izagirre.

1988ko aurrekontuak

Datorren urteko aurrekontuak aurkeztu ditu gero Ekonomi eragileak. Gastu arruntek ez dute inolako arazo berezirik sortu eta besterik gabe onartuak izan dira.

Batzordeen aurreasmoeak, alderantziz, diru kopuruaren igokada handia agertzen dute era erakundeen aurrean zaila izango dela dena lortzea, aditzera eman du J. J. Zearretak. Gero eta gehiago begiratzen da kostuen eta emaitzen arteko orekari eta zenbait helburu beste une baterako utzi beharrak ote diren ere esan da. Eztabaida horretan, Nafarroako Gobernuaren partaidetza zertan den galde-tzen da. Asmo onak ukatu gabe, eskuarteko hitzarmen guziak gaurkotu eta zehaztu ondoren gauzatuko da Nafarroako hitzarmen nagusia, eta horrek bere denbora eskatzen duela, izan da erantzuna.

Aurrekontuen gorakada orokorraren ehuneko portzentaia bera batzorde guziei gutxitzea, proposatu du P. Salaburuk, horrela aurkez badaitezke beste aldatarik gabe.

Ontzat eman du batzarreak proposamen hau.

Batzordeen berri

Onomastika batzordeko idazkaria den J. L. Lizundiak irailaren 24, 25 eta 26an Urduñan egitekoak diren Jardunaldietako aurre-lanen kontu eman du, lanak eskaini dituztenen zerrenda nahiz euron gaiak aipatuz.

Batzordeak azken ekainaren 26an onartutako eritzien ildotik, bost zati edo ataletan sailkatu dira Jardunaldiok, bakoitzeko txostena eta komunikazioak hizkuntza eta geografiaren arauera elkartuz.

Eta besterik gabe amaitu da goizeko batzarrea.

Fr. Luis Villasante,
Euskaltzainburua

J. M. Satrustegi,
Idazkaria